

რუმინის ეპისკოპოსის, წმინდა კალინიკუს საგამომცემლო-სასტამბო მოღვაწეობა (1850–1868 წწ.)

ტიუდორესკუ გეორგ ფლორინი

კონსტანცას ოვიდიუსის უნივერსიტეტის დოქტორანტი

ORCID: <https://orcid.org/0009-0008-0203-5852>

აბსტრაქტი. წინამდებარე კვლევა აანალიზებს რუმინე ნოულ სევერინის (*Râmnic Nouă Severin*) ეპისკოპოსის, წმინდა მღვდელმთავარ კალინიკუს საგამომცემლო-სასტამბო (ტიპოგრაფიულ) მოღვაწეობას, რომელიც განხილვება ეკლესიაში ეპისკოპოსის სამასწავლებლო მსახურების კონკრეტულ გამოსახატულებად. მრავალი კანონიკური ნორმა სხვადასხვა ვალდებულებებს აკისრებს ეპისკოპოსს, როგორც ეპარქიის ფარგლებში დოქტრინალურ (მოძღვრებით) ავტორიტეტს (შდრ. კართაგენის საეკლესიო კრების 71-ე, 121-ე და 123-ე კანონები).

ამ მოვალეობებს შორისაა: სარწმუნოებრივი ჭეშმარიტების საფუძვლიანი ცოდნა (შდრ. მეშვიდე მსოფლიო საეკლესიო კრების მე-2 კანონი; სარდიკიის საეკლესიო კრების მე-2, მე-10 და მე-11 კანონები); სამწყსოზე ზრუნვა ეპარქიის სამღვდლოების თეოლოგიური განათლებისთვის (შდრ. წმიდა მოციქულთა მე-80 კანონი და პირველი მსოფლიო საეკლესიო კრების მე-2 კანონი); ზრუნვა იმ პასუხისმგებლობაზე, რომლითაც სასულიერო პირები (მღვდლები და დიაკვნები) ქადაგებენ სარწმუნოებრივ ჭეშმარიტებას ეპარქიის სამრევლოებში (შდრ. წმიდა მოციქულთა 33-ე და 35-ე კანონები); სიყვარული და მზაობა მრევლისთვის უცვლელი დოქტრინალური ჭეშმარიტების სწავლებისა (შდრ. მეექვსე მსოფლიო [ტრულის] საეკლესიო კრების მე-2 კანონი) ქადაგების (შდრ. მეექვსე მსოფლიო საეკლესიო კრების მე-19 კანონი) და კატეხიზაციის (შდრ. მეექვსე მსოფლიო საეკლესიო კრების 95-ე და მეორე მსოფლიო საეკლესიო კრების მე-7 კანონები) მეშვეობით.

რუმინე ნოულ სევერინის ეპისკოპოსის, წმინდა მღვდელმთავარ კალინიკუს შემთხვევაში, სამასწავლებლო მსახურება რამდენიმე უმნიშვნელოვანეს ინიციატივასა და მიღწევაში გამოიხატა. მათ შორის იყო მდიდარი და ნაყოფიერი საგამომცემლო-სასტამბო მოღვაწეობა, რომელიც მან რუმინე ნოულ სევერინის ეპარქიაში განახორციელა.

საკვანძო სიტყვები: რუმინის ეპარქია, ნაბეჭდი შრომები, სამასწავლებლო მსახურება, ლიტურგიკული (საღვთისმსახურო) წიგნები, ეპარქიალური სტამბა, კანონიკური სამართლი.